



著作：法语录

### 三九 霹雳州佛教分会圣像开光

三宝住世间，众生良福田；

见闻能随喜，德慧广增延！

夫佛有三身，法身寂然，原无形迹；大悲愿力，示现度生，所以乃有缘起缘灭之报应化身也。昔日佛上忉利天，为母说地藏经，所以报亲恩也，三月未下，优填王思慕深切，乃用檀刻像，高约五尺，藉作供养、礼敬之对象。嗣波斯匿王闻之，甚为欢喜，转以紫磨色黄金铸像，用表尊敬，此为世间有佛像之始。像、假相也，本非真佛，然借假所以崇真，无假则真亦不立也。今本会顾问、主席、暨诸护法士绅与会众，筹建会所落成，并举行诸佛、菩萨、罗汉圣像开光典礼，人天围绕，四众皈依，瞻宝相之庄严，一尘不染，掬赤诚以上达，万虑全消。如是见邀山僧开光一句，

92

又如何拈出耶？拄锡画圈曰：

自性灵光本自由，何缘向外苦追求，

但能息妄归真觉，山青水绿任悠悠。

开！

93